

unteren Dinge gerichtete quecksilberische Natur und hyacinthische Impression.

Complexion der menschen, zu erkennen auß ein jeden monat.

Nach der verwandlung der zeit verwandelt sich auch die natur vnd der stadt der menschen, vn nach der selben verwandlung verwandelt sich auch die ordnung der natur, aber doch nit zumal, vnd das geschicht nicht von gebresten der kunst, sonder es geschicht von mancherlei complexion der menschen vnd die der selbigen wandlung nachfolgend, vnd du leser oder hörer dieser nach geschriebenen ding, laß dich nit verwundern, daß sie vnglaublich sind, wann geschicht es nit allesamen, das ist nit der kunst schuld, sondern es kompt von der menschen complex die verwandelt seind, nach dem also die kunst geben ist, wann die kunst in ihren mechtigsten stadt, hat keinen gebresten, wann sie in dem anfang ist geben worden der möglichkeit.

Mertz.

Welcher knab geboren wirt in dem Mertzzen, der wirt wol gelert, vn ein sponsierer der frawen, vnd kompt zu großem reichthumb, er wirdt geschediget von seinen freunden, er wirdt besitzen der todten gut, er wirt trawrig, vn kompt schier wider zu gnaden, er versucht vil onglücks, vnd vil zwingung, vnd mißhellung muß er leiden, er ist begirlich der lehre, mit artlichkeit vnd vollkommenheit, er ist auffrichtig allen menschen, vnd danckbarlich, vnd leugt gern, vnd ist kunstreich vnd vnsteht in seinem gemüt, er wirdt rach sehen an feinden, vnd im drei vnd dreißigen jar ist er weder zu reich noch arm, er würt ein groß vnkeuschmann, vnd im XXV jar nimpt er ein weib, vnd so er keine nimmt, so bleibt doch sein keuschheit nit, er bettet für seine freund, und leidet darumb schaden, er wirt eingahn in frembde arbeit, vnd wirt geheißzen ein vatter der kinder, durch seines gewonnen guts willen wirdt er leiden auffsatz vn vil krieg, in der achßlen oder in der schultern wirt er haben ein zeichen, mal, oder masen wirdt er haben an dem leib, mit Christen leuten todt wirdt er reich, ihm wirt nit geben der erste Sun, von allerlei leidet er schaden aber er vberkompt es wol, in dem drei vnd zwenzigsten jar leidet er großen siechtagen, vn vberkompt er den, so bleibt er LXXXV jar, ein fingerlein